

Taiwan Hebdo 3-2016

Descrição

1. Informe

Os resultados das **eleccións presidenciais e lexislativas do 16 de xaneiro en Taiwan** ofrecen unha contundencia indiscutible. A vitoria de **Tsai Ing-wen** (lixeramente inferior en porcentaxe á obtida por Ma en 2008: 56,12% fronte a 58,44%, pero cunha diferenza de votos superior aos tres millóns) e do PDP marcan o inicio dunha nova etapa na historia política de Taiwan. No arco parlamentario, á vitoria humillante do PDP cabe sumar como dato revelador a irrupción do PNP (Partido do Novo Poder) con 5 escanos, desaparecendo a UST.

1. Informe

Os resultados das **eleccións presidenciais e lexislativas do 16 de xaneiro en Taiwan** ofrecen unha contundencia indiscutible. A vitoria de **Tsai Ing-wen** (lixeramente inferior en porcentaxe á obtida por Ma en 2008: 56,12% fronte a 58,44%, pero cunha diferenza de votos superior aos tres millóns) e do PDP marcan o inicio dunha nova etapa na historia política de Taiwan. No arco parlamentario, á vitoria humillante do PDP cabe sumar como dato revelador a irrupción do PNP (Partido do Novo Poder) con 5 escanos, desaparecendo a UST.

Eleccións presidenciais

Candidatos electos	Número	Candidatos	Partido	Votos obtidos	Porcentaxe de votos
	1	Eric Chu, Jennifer Wang	Kuomintang	3 813 365	31.04%
Candidatos electos	2	Tsai Ing-wen, Chen Chien-jen	Partido Democrático Progresista	6 894 744	56.12%
	3	James Soong, Hsu Hsin-ying	Partido o Pobo Primeiro	1 576 861	12.84%

?Eleccións lexislativas

Escaños obtidos por cada partido

Nome do partido	Escaños	Porcentaxe (%)
-----------------	---------	----------------

Kuomintang	35	30.97%
Partido Democrático Progresista	68	60.18%
Partido o Pobo Primeiro	3	2.65%
Unión Solidaria Independiente	1	0.88%
Independientes	1	0.88%
Partido Nuevo Poder	5	4.42%

O KMT aceptou a súa derrota que **Eric Chu** cualificou de “humillante”, antes de presentar a súa dimisión. Ábrese agora un tempo de gran incerteza na formación nacionalista. O primeiro ministro **Mao Chi-kuo** tamén presentou a súa dimisión irrevocable ao presidente Ma Ying-jeou.

Por outra banda, si EUA fixo saber nas xornadas previas a súa disposición a traballar co ganador dos comicios, fontes oficiais de China continental fixeron saber que “non intervirá nas eleccións de Taiwan pero manterá a súa atención nas relacións a través do estreito”.

O Departamento de Estado de EUA o día 14 anunciou que **Antony Blinken** viaxará a Xapón, Myanmar, Corea do Sur e China Continental desde o 14 a 21 do corrente mes, chegando a China Continental logo das eleccións de Taiwán; mentres que o ex subsecretario de Estado de Estados Unidos **William Burns** viaxará a Taiwán directamente logo das eleccións.

Tsai, quen será a primeira muller á fronte dos destinos de Taiwan, dixo durante a súa primeira alocución que “os taiwaneses utilizaron as urnas para escribir unha nova páxina da historia, para provocar o terceiro cambio de partido gobernante desde que existen eleccións libres e directas a presidente, e tamén para provocar o primeiro envorco electoral que se produce no Yuan Lexislativo”. Tsai salientou que o seu goberno traballará para que as relacións no Estreito sexan consistentes, predicibles e sostibles. Ademais, a presidenta electa fixo fincapé en que o novo goberno promoverá as relacións no Estreito a partir da base da Constitución da República de China e de acordo aos intereses da cidadanía.

2. Observacións de contexto

§ Taipei informou que trala novena reunión sobre o establecemento de **oficinas representativas a ambos os dous lados do Estreito** chegouse a un pacto preliminar aínda que ambas partes deberán dialogar máis sobre a interpretación do acordo e as medidas concretas para a súa implementación.

§ As especulacións en torno á **desaparición en Hong Kong de cinco persoas** relacionadas coa comercialización de libros críticos con China continental, abriu en Taiwan un debate sobre o respecto da autonomía na rexión e o futuro das liberdades públicas en Taiwan no suposto de chegar a aplicarse a fórmula de “un país dous, sistemas” que inspira a reunificación e serviu de base para a retrocesión de Hong Kong en 1997.

§ Francia e Taiwan poderían iniciar un diálogo sobre políticas públicas a adoptar a nivel central e coas colectividades

locais así como no plano da cooperación científica e industrial para encarar o desafío do **cambio climático**.

§ Nunha visita ao centro de produción de armas de Nangang, Ma Ying-jeou felicítouse pola **calidade dos equipamentos** producidos mostrándose favorable a poñer os recursos do exército a disposición da poboación en caso de catástrofe natural.

§ Taiwán e Canadá asinaron un acordo para a evitación da **dobre tributación**, o cal entrará en vigor o primeiro de xaneiro do ano 2017, despois de que ambos países completen os seus respectivos procedementos administrativos.

3. Datos relevantes

§ As **exportacións** caeron en 2015 un 10,6 por cento en relación a 2014. Taiwan sitúase na oitava posición no ranking mundial de países exportadores.

§ Dos **observadores chegados a Taiwan para as eleccións do 16 de xaneiro**, os procedentes de Xapón foron os máis numerosos, seguidos polos xornalistas europeos e estadounidenses. En total, incluíndo a China continental, Hong Kong e Macau, o número de xornalistas acreditados roldou os 600.

§ O número de electores para os comicios superou os 18,78 millóns. O 68,8 por cento concéntrase nas seis municipalidades especiais do país: Taipei, Nova Taipei, Taoyuan, Taichung, Tainan e Kaohsiung.

§ A eléctrica pública estatal **Taipower** anunciou un plan de investimentos para os próximos quince anos por valor de US\$12.020 millóns.

§ Segundo a consultora “Apple House”, un 55 por cento dos potenciais **compradores de casas** reducirán a velocidade ou aprazarán os seus plans de comprar casas na primeira metade de 2016. As razóns apuntan ás eleccións e os impostos.

§ Xapón é o **destino turístico favorito para os viaxeiros taiwaneses**: un 41 por cento, segundo “Visa Inc.”.

§ Os indonesios representan o 41 por cento dos 550.000 **traballadores inmigrantes** en Taiwan. Constitúen o 79 por cento das empregadas do fogar existentes na illa.

4. Nomes relevantes

§ **David E.L. Lin**, ministro de asuntos exteriores de Taiwan, asistiu á investidura presidencial en Guatemala de **Jimmy Morales Cabrera**. As relacións diplomáticas entre ambos datan de 1933.

§ **Tzu-yu**, unha adolescente taiwanesa radicada en Corea do Sur e líder do grupo de pop coreano *Twice*, viu cancelado un contrato publicitario coa empresa chinesa de telefonía móbil *Huawei* tras ondear unha bandeira taiwanesa nun programa de televisión, sufrindo presións para ofrecer desculpas públicas por iso. O suceso converteuse nun escándalo que conmoveu á sociedade taiwanesa en plena xornada electoral.

APARTADOSTEMATICOXEOGRAFICOS

China e o mundo chinês

ETIQUETAS

KMT China continental Tsai Ing-wen Taiwan Hebdo Eleccións Taiwan Victoria PDP

IDIOMA

Galego

Data de creación

Janeiro 16, 2016

Metacampos

Autoria : 3717
Datapublicacion : 2016-01-16 00:00:00
Antetitulo : Hebdomadario da Política Taiwanesea
Subtitulo : Semana do 11 ao 17 de xaneiro de 2016